

ներկայումս չեն պահպանվել: Սալերի օգտագործման փայլուն օրինակ է հանդիսանում Իջևանի շրջանի Կիրանց վանքի (XIV դ.) մեծ եկեղեցու թմբուկի հարդարանքը: Այստեղ լուսամուտների շրջապատը վերցված է հախճապակե կապտավուն սալերից կազմված խճանրկարի մեջ, իսկ թմբուկի ստորին և վերին մասերը գոտկված են քառակուսի միագույն սալերով:

Աղվարդի հախճապակե թվագրումը XIII—XIV դդ. ոչ մի կասկած չի հարուցում: Կարևոր է որոշել այն հարցը, թե երբ են սալերը դրվել եկեղեցու վրա: Տեղում կատարված մանրակրկիտ զննությունը ցույց տվեց, որ սալերը գմբեթի քարերի մեջ ազդեցվել են ոչ թե տաճարի շինությունից ժամանակ՝ 1301 թ., այլ հետագայում: Նախ, սալիկները հազցնելու համար արված փորվածքները կատարված են խիստ անփույթ: Ամրացնող նյութը, շաղախը, տարբերվում է բուն եկեղեցու շաղախից և շատ ցածր է իր որակով: Սալերի տակ պահպանվել են նա-

խորդ շաղախի հետքերը, որը շատ ամուր է: Եվ, ամենակարևոր հանգամանքը, սալերի ետևի համարակալումները չեն համապատասխանում եկեղեցու վրա ունեցած դիրքին: Օրինակ՝ 44—47 համարներում բացակայում է 45 համարը: Ըստ երևույթին, այդ սալիկները դրված են եղել ինչ-որ մի ուրիշ շինության վրա խիստ համարակալումով:

Արդ, երբ կարող էին սալերը ուրիշ տեղից բերվել և ազդեցվել եկեղեցու քարերի մեջ: Շատ հավանական է, որ դա կատարվել է XVIII դարում, եկեղեցու վերանորոգման ժամանակ: Եկեղեցու հարավային սյուրի (1-ին հարկ) վրա պահպանվել է մի արձանագրություն, հետևյալ բովանդակությամբ. ԵՍ ՄՈՎՍԵՍԻ ՈՐԴԻ ԳՅՐԻ ԳՈՐՆ (ՍԱՐԳԻՍՆ) ԹՎ.ԹՃՂԴ (1745) ՎԵՐՍԻՆ ՆՈՐՈԳԵՆ:

Աղվարդի հախճապակե կարևոր են ներմուծված պարսկական խեցեղենի ուսումնասիրության համար:

Ա. ԺԱՄԿՈՉՅԱՆ, Ա. ՔԱՎԱՆԹԱՐՅԱՆ

ՈՒՇ ԲՐՈՆԶԵԴԱՐՅԱՆ ԴԱՄԲԱՐԱՆ ԿԻՐՈՎԱԿԱՆԻ «ԴԻՄԱՑ» ԹԱՂԱՄԱՍՈՒՄ

«Դիմաց» թաղը գտնվում է Կիրովական քաղաքի արևելյան մասում, Տանձուտ գետի աջ ափին: Այն տափարակ, անկանոն ձևի, դեպի քաղաքը թույլ թեքությամբ մի բարձունք է: Այստեղ 1966 թ. Հայէկեկտրալույսի Կիրովականի մասնաճյուղի շինարարական աշխատանքների ժամանակ բացվեցին մի շարք ուշ բրոնզեդարյան դամբարաններ:

Հայտնաբերված նյութերով հատկապես ուշագրավ է № 1 դամբարանը, որի ուսումնասիրությանն է նվիրված ներկա հոդվածը:

Դամբարանը քառանկյունաձև էր, ծածկված երկու բազալտե սալաքարերով: Նրա երեք կողմերը կազմում էին մեկական ամբողջական սալի, իսկ արևելյան կողմը, որը հավանաբար որսի մուտք է ծառայել, շարված էր միջին միջուկային ունեցող չորս քարերով: Դամբարանն ուղղված էր արևելքից արևմուտք, երկարությունը՝ 1,2 մ, լայնությունը՝ 0,7 մ, խորությունը՝ 0,7 մ: Պեղման ընթացքում հայտնաբերվեցին մեծ քանակությամբ խեցեղեն և մետաղե իրեր: Ննջեցյալի ոսկորները չափազանց վատ էին պահպանված և հնարավոր չեղավ որոշել նրա դիրքը դամբարանում: Մարդու ոսկորների հետ գտնվեցին նաև ձիու ստորին ծնոտ և խոշոր եղջերավոր կենդանիների ոսկորներ:

Դամբարանում հայտնաբերվեցին բրոնզե զաշույններ, դուրդ, կոճակ, ապարանջան, օբսի-

դաքարե նետասլաքներ, տարբեր տեսակի ուլունքներ և խեցեղեն:

Հայտնաբերված դաշույններից մեկը մեծ է (Կիրովականի երկրագիտական թանգարան, № 441/30): Ունի երկարավուն, եռանկյունաձև, սուր ծայրով ավարտվող շեղք, որի մեջքը շեշտված է ցցուն, տափակ երակով (նկ. 1, աջից): Ենթիվ հիմքում կա բրոնզե պահուսակ, գամերի համար բացված երկշարք կլոր անցքերով: Դաշույնի փայտե կոթը մտնում էր շեղքի հետ միաձույլ լեզվակի մեջ, որը ծայրին անցք ուներ, փայտե կոթի հետ գամով ամրացվելու համար: Դաշույնի շեղքի երկարությունը 15,5 սմ է, լայնությունը հիմքի մոտ՝ 4 սմ, լեզվակի երկարությունը՝ 3 սմ, լայնությունը՝ 1,5 սմ: Այն ձուլվել է և ապա ամրություն տալու նպատակով ենթարկվել սառը կռման, որի հետքերն ակնառու են: Դաշույնի հետ հայտնաբերվել է նաև նրա կոնաձև ցանցկեն գլխիկը (նկ. 1, աջից վերևում), որի անցքերն ընդելուզված են փայտով:

Դետեկապ, շարժական ցանցկեն գլխիկով դաշույնները գիտական գրականության մեջ հայտնի են բրպես սևան-դարարադյան տիպ: Դրանք լայն տարածում են ստացել հատկապես մ. թ. ա. X—IX դդ., հարատևելով մինչև վաղ ուրարտական շրջանը: Կիրովականի «Դիմաց»



Fig. 1



Fig. 2

թաղի այլ դամբարաններից նույնպիսի մի քանի դաշույններ են հայտնաբերվել²:

Վերոհիշյալ դաշույնի զուգահեռները հայտնի են Մակարաշենից³, Գուլովինոյից⁴, Ռեդկին-լագերից⁵, Ջարխեջից⁶, Վարդաբարից⁷, Թաղաքենդից⁸, մի քանի օրինակով հայտնի են Ս. Լալայանի պեղած մերձսևանյան դամբարաններից (Պետական պատմական թանգարան, № 20'92—97, № 120/15)⁹, Տոլորսից¹⁰, Լեռնային Ղարաբաղից (Արջաձոր, Գետաբեկ), Կիրովաբադ—Խանլարից, Մինդեշաուրից, Թրիալեթից¹¹:

Սակայն շեղրի կենտրոնական երկայնակի ցցուն երակով նա շատ ավելի մոտ է նորագույնի № 3 դամբարանում, Ռեդկին-Լագերում, Ջարխեջում, Մակարաշենի № 2 դամբարանում հայտնաբերված դաշույններին, որոնք թվագրվում են մ. թ. ա. IX—VIII դդ.¹²:

2 Տե՛ս Կիրովականի երկրագիտական թանգարանում:

3 А. А. Мартиросян, Раскопки в Кировакане и некоторые памятники раннеуруартского периода IX—VIII вв. до н. э., ЗУУՀ ԳԱ «Տեղեկագիր» (հաս. գիտ.), 1956, № 9, էջ 63, նկ. 2, 4:

4 «Կատալոգ Դիլիջանի երկրագիտական թանգարանի հնագիտական իրերի», կազմեցին՝ Ս. Ա. Եսայան, Հ. Ա. Հովհաննիսյան, Երևան, 1969, աղ. XX⁶:

5 А. А. Мартиросян, Армения в эпоху бронзы и раннего железа, Ереван, 1964, էջ 197—198, նկ. 77¹¹:

6 Նույն տեղում, էջ 201:

7 Т. Хачатрян, Комплекс бронзовых предметов из селении Вардакар (Ар-тикский район), ЗУУՀ ԳԱ «Լրաբեր» (հաս. գիտ.), 1967, № 3, էջ 62, նկ. 4:

8 Г. Е. Арешян, Материалы из раскопок Кармирбердского (Тазакендского) могильника в музее Грузии, «Բանբեր Երևանի համալսարանի», Երևան, 1970, № 1, էջ 245, նկ. 48—52:


9 Ե. Լալայան, Դամբարանների պեղումներ Խորհրդային Հայաստանում, Երևան, 1931, էջ 1, 5, 6, նկ. 9:

10 А. О. Мнацаканян, Находки предметов бронзового века в селении Толорс (в Зангезуре), Армянской ССР. КСИИМК, вып. 54, М., 1954, էջ 100, նկ. 40^{1,2,3}:

11 Մանրամասն զոգահեռները տե՛ս С. А. Есаян, Оружие и военное дело древней Армении, Ереван, 1966, էջ 73—76, աղ. XIII:

12 А. А. Мартиросян, Армения в

Դամբարանում հայտնաբերված փոքր դաշույնը տեղեկաձև է, տափակ, շեղրի կենտրոնում՝ նեղ, ցցուն երակով (նկ. 1, կենտրոնում, ԿԽԹ, № 441/29): Դաշույնն ունի կարճ լեզվակ անցքով, որի վրա ամրացվել է փայտե կոթողը (դաշույնի երկարությունը՝ 14,5 սմ է, լայնությունը



նկ. 3

շեղրի հիմքի մոտ՝ 4,7 սմ): Նման մի քանի դաշույններ են հայտնաբերվել Կիրովականում: Մեկը պատահական գյուտ է (ՊՊԹ, № 1753), վերը նկարագրածից մի փոքր մեծ, մեկի փոխարեն զույգ, կենտրոնում երկայնակի ձգվող ցցուն երակներով: Շեղրը հիմքի մոտ ավարտվում է մի փոքր նեղանալով. մի աննշան լեզվակ առաջացնելով: Հիմքի լայն մասում և լեզվակին ունի երեք անցք, փայտե կոթը դամբարով ամրացնելու համար:

Մյուս տեղեկաձև տափակ դաշույնը հայտնաբերվել է Կիրովականի նույն «Դիմաց» թաղամասում՝ 1935 թ. Ղաֆազարյանի կողմից պեղված դամբարաններից մեկում¹³: Այն Հ. Մարտիրոսյանի կողմից թվագրվում է մ. թ. ա. II հազարամյակի ամենավերջով¹⁴, որը բավականին համոզեցույցի է:

эпоху бронзы и раннего железа, էջ 197, 198, նկ. 77¹¹, 201, 203: Նույն՝ Раскопки в Кировакане и некоторые памятники раннеуруартского периода IX—VIII вв. до н. э., էջ 64, նկ. 2: Նույնի՝ Ուշ բրոնզեդարյան բնակավայրեր և դամբարանադաշտեր, «Հայաստանի հնագիտական հուշարձաններ», 2, Երևան, 1969, աղ. XXI 1, 2:

13 Կ. Ղաֆազարյան, Դամբարանների պեղումներ Կիրովականում. Արմֆանի «Տեղեկագիր» (հաս. գիտ.), № 3—4, 1940, Երևան, էջ 61—62, նկ. 5:

14 А. А. Мартиросян, Армения в эпоху бронзы и раннего железа, էջ 142:

Դաշույնն իր չափերով և մանրամասներով ավելի մոտ է պատահականորեն հայտնաբերվածին, սակայն շեղքի միջին մասի երկայնքով անցնող մի փոքր բարձր, ժապավենաձև գոտիով հիշեցնում է վերը նկարագրած № 1 դամբարանի սևանյան տիպի գոտեկապ դաշույնի մեջքը:



Նկ. 4

Ձևով Կիրովականի վերոհիշյալ դաշույնները բավական մոտ են Սամթավրոյում¹⁵, Բեշտաշենի ճանապարհի մոտ՝ Սաֆար-խարաբայի հիմնադրային № 4 ուշրոնդեղարյան դամբարաններում հայտնաբերվածներին¹⁶:

Այսպիսով, «Դիմաց» թաղի № 1 դամբարանում հայտնաբերված վերոհիշյալ դաշույնը հնարավորություն է տալիս նմանատիպ դաշույնների գոյատևումը հասցնել մինչև մ. թ. ա. X դ.:

Դամբարանում հայտնաբերվել են նաև բրոնզե սկավառակաձև կոճակ (ԿԵԹ, № 441/25), նեղ բրոնզե ժապավենից ասարանջան՝ սրվող, նեղացող ծայրերով (ԿԵԹ, № 441/23) և բրոնզե գնդաձև գուրդ (ԿԵԹ, № 441/23, նկ. 1): Նույն «Դիմաց» թաղից նման գուրդեր հայտնաբերվել են և մ. թ. ա. XI—XIV և XV—VIIII դարերով թվագրվող դամբարաններում, Մակարաշենի № 2 դամբարանում, Ստեփանավանում¹⁹, Ջարխե-

շում²⁰, Բեշտաշենի Սաֆար-խարաբայի № 11 դամբարանում²¹:

Դամբարանում հայտնաբերված փորված հիմքով կրեթ շրջադարձի նետասլաքները (ԿԵԹ, № 441/22), ծարիրից պատրաստված մեղալիոնները, սարդիոնից, պաստայից, ասպակու մուծուկից ուլունքները (ԿԵԹ, № 444/26, նկ. 17) նույնպես իրենց զուգահեռներն ունեն մ. թ. ա. II հազարամյակի վերջի և I հազարամյակի ըսկզբի նյութական մշակույթում:

Հայտնաբերված մեծ թվով խեցեղենից (45 կավաման) իրենց ձևով և դարգանախշերով հետաքրքրական են հետևյալները.

Լայնաբերան մեծ կավամանը (ԿԵԹ, № 441/18) ժապավենաձև ծավալված շուրթերով, որի հատակը իրանի համեմատ մի փոքր ցցուն է (նկ. 2, ձախից): Ուռուցիկ ուսերը զարդարված են թևեր և խոր ակոսիկներով (բարձրությունն է 19 սմ, բերանի տրամագիծը՝ 27 սմ, իրանի տրամագիծը՝ 33 սմ, հատակի տրամագիծը՝ 11,5 սմ):

Կաթսայատիպ մեծ կավամանը՝ մոխրասևավուն փայլեցրած մակերեսով (նկ. 3), դեպի բերանը և դեպի հատակը մի փոքր նեղանում, սեղմվում է (ԿԵԹ, № 441/19), անվիղ է, լայնադիր պսակով, հատակը տափակ: Ուռուցիկ ուսերին խորաքանդակ գոտիներով առաջացած դաշտում փորագրված են զազաթներով վեր ուղղված եռանկյունների խմբեր, որոնք ընդմիջվում են ուղղահայաց դասավորված ցցուն կոճակների շարքով (թվով 4—5 հատ): Եռանկյունների ներսը ծածկված է թևեր գծերով, եղևնաշարով կամ այդ երկուսի համադրությամբ և կամ հասկաձև զարդանկարի և անկյուն կաղմող գծերի համադրությամբ (բարձրությունն է 23 սմ, բերանի տրամագիծը՝ 13,5 սմ, իրանի տրամագիծը՝ 31 սմ, հատակի տրամագիծը՝ 10 սմ):

Կորշագույն, մի փոքր դուրս ծավալած շուրթերով, մեկկանթանի կճուճ (ԿԵԹ, № 441/19) վրի հիմքում գծային գոտիների մեջ ամփոփված շուրս հորիզոնական ալիքաձև զիգզագներն ունի նրանցից ցած խոր ակոսով փորված են հինգ կամարաձև զարդեր կամ ավելի շուտ իրար մեջ հազած սնկյուններ: Հատակը մի փոքր ուռուցիկ է: Կանթը կլոր է, միջին մասում ցցուն կոճակ ունի, իսկ զազաթին, ինչպես և հիմքի ժապավենաձև ավարտվող տափակ սլուզիկին՝ եղևնաշար զարդանախշեր (նկ. 2, աջից, կճուճի բարձրությունը 21 սմ է, բերանի տրամագիծը՝ 11 սմ,

¹⁵ Т. Н. Чубиннишвили, Древнейшие археологические памятники Мцхета, Тбилиси, 1957, шл. IV, XVI, № 1622, 1238, 2038, 5608, «Труды кахетской археологической экспедиции», I, Тбилиси, 1969, тл 172, шл. 1, 11:

¹⁶ Б. А. Куфтин, Археологические раскопки в Триалети, Тбилиси, 1941, тл 323, шл. XIV:

¹⁷ А. Мартиросян, Армения в эпоху бронзы и раннего железа, тл 143, шл. 50:

¹⁸ А. Мартиросян, Раскопки в Киро-вакане, тл 66, шл. 5:

¹⁹ Նույն տեղում, тл 64, 68, шл. 6:

²⁰ А. Мартиросян, Армения в эпоху бронзы..., тл 201:

²¹ Б. Куфтин, Археологические раскопки в Триалети, тл 333, шл. XLIX:

իրանի տրամագիծը՝ 23 սմ, հատակի տրամագիծը՝ 10 սմ)։

Ուսուցիկ ուսերով մեծ, սև փայլեցրած թաղարի վերին մասը զարդարված է շուրթից ցած մեկ ալիքաձև և ապա բազմաշար հորիզոնական զոտիներով, որոնք զոտկատեղում եղերվում են հորիզոնական խորաքանդակ ժապավենով (նկ. 2, ներքևում, ԿԵԹ, № 441/17, բարձրությունը 18 սմ է, բերանի տրամագիծը՝ 29 սմ, իրանի տրամագիծը՝ 28,5 սմ, հատակի տրամագիծը 11,5 սմ)։

Ընդհանուր դարդանախշերն ունեն դամբարանում հայտնաբերված մեծ և փոքր քրեղանները (նկ. 4, ԿԵԹ, № 441/10—13), որոնցից մեկի հատակին փայլեցման եղանակով խաչվող ժապավեն է արված (ԿԵԹ, № 441/11), իսկ մեկ այլ քրեղանի ամբողջ հատակը ծակոտկեն է (նկ. 5, № 441/16)։ Այն հավանաբար քամիչի դեր է կատարել։

Ուշագրավ է ձվաձև իրանով, սև փայլեցրած, դեպի ներս նեղացող բերանով կավամանր, որի մասերն են պահպանվել (ԿԵԹ, № 441/21)։ Նրա ցցուն զոտիով եղերված, շուրթից սկիզբ առնող եռանկյունաձև ելուստի մակերեսը կետածածկ է։ Իրանը զարդարված է հորիզոնական խոր և լայն զոտիներով։

Դամբարանում հայտնաբերված խեցեղենն իր զուգահեռներն ունի Հայկական լեռնաշխարհի մ. թ. ա. II հազարամյակի վերջի և հատկապես մ. թ. ա. I հազարամյակի սկզբի մի շարք հնավայրերում։ Առաջին հերթին նրա զուգահեռները կարելի է տեսնել Կիրովականի նույն «Դիմաց» թաղում տարբեր ժամանակներում պեղված դամբարանային նյութերում. օրինակ՝ իրար մեջ դասավորված երեք կամարների զարդանախշերն ունեն 1940 թ. «Դիմաց» թաղամասի դամբարաններից հայտնաբերված մեկկանթանի կճուճները (ՊՊԹ, № 1741/1)։

Խորաքանդակ զոտիներով առաջացած դաշտում հորիզոնական ալիքների զարդամոտիվը, որ պատկերված էր ուսումնասիրվող դամբարանի կճուճներից մեկի ուսերին (ԿԵԹ, № 441/10), այստեղ երևան է գալիս սև փայլեցրած, կարճավիզ կավամանի ուսերի վրա (ՊՊԹ, № 1741/3)։ Անկյունային ուսերով, եռանկյունաձև հարթակով կավամանի զուգահեռը նույնպես վերոհիշյալ հավաքածուում է (ՊՊԹ, № 1741/2)։

Ուսումնասիրվող դամբարանի երկթեք իրանով, բազմաշար հորիզոնական զոտիներով զարդարված քրեղանների մոտավոր զուգահեռները կան «Դիմաց» թաղում 1935 թ. պեղված դամբարանների նյութերում (ՊՊԹ, № 1236/2, 8, 9, 20, 27)22։

22 Կ. Ղաֆադարյան, Դամբարանների պեղումներ Կիրովականում, նկ. 3։

Խեցեղենի զուգահեռները կարելի է տեսնել նաև Մակարաշենի մ. թ. ա. VIII դդ. թվագրվող № 2 դամբարանում, որում հայտնաբերված պարուրազարդ զոտիով կավամանն իր ձևով և եռանկյունաձև ելուստով հար և նման է վերը



Նկ. 5

նկարագրված (ԿԵԹ, № 441/21) կավամանին։ Մեծ են նմանությունները նաև թասեր-քրեղանների միջև։ Մակարաշենի կճուճների կանթի-րին նույնպես բնորոշ են կոճակաձև, ցցուն զարդերը, կավամանների զարդանախշումը եղևնաշար զոտիով կամ խոր ակոսիկներով։

Զուգահեռներն ի հայտ են գալիս նաև Ռեդկին-Վազբի մ. թ. ա. X—IX դդ. խեցեղենի հետ համեմատելիս23։

Զուգահեռները կարելի է տեսնել նաև Թագաբենդի խեցեղենի հետ համեմատելիս։ Օրինակ՝ Թագաբենդի լայնաբերան կավամանի ժապավենաձև, մի փոքր ցցուն, շեշտված շուրթը և նրանից սկսվող ելուստը, զարդարված եղևնաշարով, հիշեցնում են Կիրովականի խեցեղենը։

Թեք, խոր և լայն ակոսիկներով զարդանախշը, որն, ինչպես տեսանք, կատարված էր Կիրովականի լայնաբերան մեծ կավամանի ուսերին (նկ. 2, ձախից), արտակարգ բնորոշ է Մեծամորի միջնաբերդի մ. թ. ա. II հազարամյակի վերջով և I հազարամյակի սկզբով թվագրվող այրված, հրդեհված շերտի խեցեղենին։

Այսպիսով, Կիրովականի «Դիմաց» թաղի № 1 դամբարանի նյութերի ուսումնասիրությունն ու զուգահեռները հնարավորություն են տալիս այն թվագրել մ. թ. ա. XI—IX դդ.։

Ս. ՄԱՍՐՈՅԱՆ

23 А. Мартыросян, Раскопки в Кировакане..., նույնի՝ Армения в эпоху бронзы..., էջ 200—205։